

博山一炷小蛇寒無人獨自坐蒲團柴門却借冷風觀簷外白雲時往還

詠韓湘

汝叔做盡死模樣雪裏出來無意况頗有當年花一籃至今推與閑和尚

孤螢

夜靜乘涼坐水亭草頭隱映見孤螢瞥然飛過銀海面俯仰浮光兩點星

題武夷五首

不見虹橋接幔亭空餘水綠與山青客來別出些兒勝五曲溪

道藏輯要

白真人集

五

婁集三

頭大隱屏

二

龍驤仙掌巖頭水鶴唳幔亭峯上雲但得明窓塵一七躍身去謁武夷君

三

芳草暗分流水綠老松剛借遶山青獨拈鐵笛溪頭立吹與洞中仙子聽

四

顯道真人去不回幔亭不見舊樓臺曾孫倚著寒松立日落風悲猿自哀